

IN PIAM MEMORIAM  
R.MI PATRIS GENERALIS EMERITI  
PATRICII MURRAY CSSR

Loquantur numeri!

Patricius Murray, 24 annos natus, professione in nostra Congregatione facta, post annum sacerdotio insignitus est; vix 42 annorum, Superior provincialis suae Provinciae hibernicae constitutus, post duos annos Superior generalis et Rector Maior totius Congregationis electus est. Per 38 annos supremum munus viriliter gessit, et, quod 44 annos natus assumpserat, 82 annis vitae expletis, in iuniores manus sua sponte remisit, et denique, multissimos annos sancti Fundatoris duobus annis superans, in aetate 94 annorum longissimam peregrinationem terrenam cum statione perennis vitae mutavit.

Nostrae gratitudinis debitum et historicae veritatis studium expostulant, ut supremo Moderatori optime merito modestum sane, sed filiali amore congestum monumentum litterarium-historicum ponamus (1).

Si tamen quis interrogaverit, cur memoriale hoc tam tarde ad lucem venisset, facile responsum opponamus. - Maluimus enim exspectare momentum, quo iam praesto esset P.is Culhane biographicum opus de vita et rebus gestis venerati defuncti, cuius primam partem, qua vita P.is Murray describitur usque ad suam electionem in supremum Congregationis Moderatorem, hoc fasciculo praesentare possumus. Itaque eandem vitae Rectoris Maioris partem breviter absolvere possumus, remittentes lectores ad ampliorem narrationem dicti auctoris. Pauca tantum documenta, ex archivo generali desumpta, ad idem tempus pertinentes, addimus.

Gubernium deinde 38 annorum R.mi P.is, proximo huius currentis anni fasciculo absolvemus, ne nimio pondere expositionis, ceterae res quas tractandas suscepimus, detrimentum capiant. Ultimi denique anni cari defuncti paucis verbis complecti possunt, ceu vesper serenus ad tranquillum occasum declinans.

IOSEPHUS LÖW

---

(1) Sufficiat hoc loco recordari notitias breves sequentes: *Spic. hist.* 2 (1954) 64-67, 71-72, 73-74; *ibid.* 262, n° 115. - *Analecta* 31 (1959) 260-261.

DE VITA PATRICII MURRAY  
USQUE AD ASSUMPTIONEM IN SUMMUM MODERATOREM

1865-1909

I. - USQUE AD INGRESSUM IN CONGREGATIONEM SS. MI REDEMPTORIS, 1865-1888

Patricius Murray (nomina originem demonstrant) (2) natus est die 24 XI an. 1865 in loco Drumdeevin, qui pertinet ad pagum Termon, in comitatu (county) Donegal, provincia Ulster, in insula Hibernia (tunc regnum, unitum ad regna Britanniae et Scotiae, nunc respublica independens). Termon distat ab oppido principali comitatus Donegal, nomine Letterkenny, 13 milia, i.e. 20 km. Agitur de extrema parte insulae ad septentrionem simul ac occisum versus, quae etiam post aggregationem maioris partis provinciae Ulster ad regnum britannicum, apud rempublicam hibernicam mansit. Incolae sunt religionis catholicae; regio ad dioecesim Raphoe pertinet, quae temporibus S. i Columbae (Colomcille) (3) erecta fuit. Post tempora « reformationis », quando vicarii tantum et administratores dioecesim gubernabant, sedes dioecesana, retento nomine Raphoe, translata est in locum principalem Letterkenny, ubi denique seminarium conditum fuit, et (anno 1901) nova ecclesia cathedralis dedicata (4).

Pater nostri Patricii eodem magni Hiberniae patroni nomine

---

(2) De S. o Patricio hic vix dicendum est, adeo est notus uti Hiberniae seu « Insulae Sanctorum » maximus apostolus, m. 461 et sepultus apud Saul, Downpatrick; festum in universa Ecclesia die 17 martii. - Nomen Murray, sicut omnibus compertum est, inter Scottos et Hibernicos commune est.

(3) S. Columba (gaelice Colomcille) annis circiter 521-597 vixit et inter magnos monachorum patres scottos et hibernicos iure connumeratur. Monasterium apud locum Raphoe condidit, unde postea sedes episcopalis orta est. - Cfr Patrick O'DONNELL, in *The Catholic Encyclopedia* XII (New York 1911) 647-648. - Cataldo GIBLIN, *Raphoe*, in *Enc. Catt.* X [Vaticano 1953] 525.

(4) Per duo fere saecula multae dioeceses hibernicae, vi « reformationis » aut suppressae aut episcopis orbatae manserunt; postea vero paulatim restitutae sunt, conservato nomine antiquae sedis, quae saepius loca nunc vix notabilia sunt, ita ut residentiae episcoporum in oppida vel urbes maioris momenti transferuntur. Sic evenit cum dioecesi Raphoe. Leo XIII an. 1901 capitulum cathedrale restituit, occasione dedicationis solemnisi ecclesiae cathedralis, recenter exstructae.

gloriabatur, mater, e stirpe Devanny, a S.a Rosa nomen habuit. Genitores agricultores erant, fortunae donis vix ditati, at vera pietate et in divinam Providentiam magna fiducia. Septem filios habuerunt, quattuor virilis, tres feminei sexus. Ultimus qui omnibus supervixit, Patricius erat. Lingua communis in domo Murray fuit lingua anglica, pater tamen etiam linguam gaelicam seu celticam possidebat; Patricius filius tantummodo in seminario maiori Maynooth primitivam linguam hibernicam didicerat.

Notitiae infantiae filiorum Murray parcae sunt, ut e tantorum annorum distantia facile explicatur. Scimus tamen, Patricium nostrum inter pueros ministrantes ecclesiae paroecialis electum fuisse, ac libenter legisse librum precationum a P.e nostro Ioanne Furniss compositum (5). F.B. Gallagher, capellanus paroeciae Termon, an. 1877, prius quam, ad aliam paroeciam translatus, e Termon abiit, cum patre iuvenis Patricii collocutus est, proponens pium bonumque puerum ad studia superiora promovere, ut missionarius fieret exteris vel patriis laboribus apostolicis addictus. Atvero Murray pater noluit filium ad exterarum plagas emigrare, nec opes habuit quibus studia superiora filio procuraret; attamen consensit eum servitio dioecesano offerre. Sic Patricius Murray iunior, an. 1880 (XII), quindecim annos natus, seminarium dioecesanum minus, in oppido Letterkenny situm, ingressus est, praehabito « concursu » (examine) quem feliciter superavit.

Libenter notamus, Patricium nostrum inde ab infantia devotissimum fuisse Beatissimae Virginis; an. 1879 dono acceperat quendam librum *The Month of Mary*, qui ei admodum carus fuit, ut in suo curriculo vitae, quod novicii conscribere tenentur, proprie notat.

In seminario minori iuvenis Patricius a mense dec. an. 1880 usque ad mensem aug. an. 1884 mansit; ratio tamen vitae non nimis ei placebat. Nihilominus in studiis optime progressus est; singulariter excelluit in lingua graeca. Tempore veris an. 1881 PP. Passionistae in oppido Letterkenny Missionem praedicaverunt; fuit primum quod religiosos viros e persona cognovit; ex tunc cogitare coepit de statu religioso ac missionario arripiendo (ita confessus est in epistula quadam 6 VIII 1923). Noverat tamen etiam ex suis lectionibus piis PP. Redemptoristas; in seminario minori opera ascetica S.i Alfonsi perlegere incepit, versione anglica

(5) Ioannes Furniss (1809-1865), iam sacerdos (1836) nostro Sodalicio nomen dedit; celeberrimus fuerat Missionibus ad pueros, atque scriptis iuvenibus peculiariter aptis. Cfr. M. DE MEULEMEESTER, *Bibliographie générale des Ecrivains Réd.* II, Louvain 1935, 150-151 cum notitia bibliographica. - Qualem librum eximii scriptoris Patricius noster pervolvit, nescimus.

a sac. Nicolao Callan (6), e quo tempore usque ad extremum indefessus mansit lector eorundem operum nostri S. i Patris.

An. tandem 1884 Patricius ad seminarium generale hibernicum in loco Maynooth transivit, institutum iure merito celeberrimum, an. 1798 fundatum et sub nomine S. i Patricii positum. Hic mansit a mense aug. 1884 usque ad mensem nov. 1888. Tota vitae ratio atque instituendi modus perplacere seminaristae nostro; directio spiritualis apud PP. Congregationis Missionis erat (et est adhuc), quos ibi « Vincentianos » vocant, alibi communiter « Lazzaristas », directio generalis atque instructio apud sacerdotes saeculares dioecesium hibernicarum. In primo anno philosophico, dum inter alia scientiis naturalibus incumbit (professore Doct. Francisco Lennon) peculiariter delectatione affectus est illo ramo scientiae quam « physicen » vocant, delectatione quae per multos annos viva mansit (7).

Mense iulio 1887 primum Missionem a PP. bus Redemptoristis praedicatam secutus est, eosque loqui sensit de Matre de perpetuo Succursu, a Nostris praecipue exulta. Hinc quaestio de vocatione missionaria et religiosa vehementius in animo Patricii revixit. Cum PP. bus Redemptorianis de vocatione religiosa discussit, et quamvis a iunioribus annis quandam conservaverat praedilectionem versus Passionistas, nunc, de regulis et ratione vitae nostri Instituti informatum, propter statum salutis non adeo robustum ut austeritates Congregationis a Passione Domini ferre valuisset, ad Alfonsianum potius Sodalitium animum convertit. Tempore vacationis aestivae an. 1888 theologus Murray cum patre de sua vocatione religiosa serius locutus est; hic tamen adhuc plane consentire noluit. Itaque Patricius noster tertium theologiae annum in seminario Maynooth incipit, attamen, mense novembre eiusdem anni 1888 noviciatum unicae tunc in Regno Unito existentis provinciae, in loco Bishop Eton apud Liverpool, ingressus est (8). Erat clericus tonsuratus (15 VI 1887) et Ordinum minorum (16 VI 1887). Trium et viginti annorum erat, cum in Congregationem SS. mi Redemptoris devertit.

(6) Cfr M. DE MEULEMEESTER, *op. cit.* I, Louvain 1933, 223, 225, 227.

(7) Notum est (nosque ipsi adhuc vidimus) P. em Generalem Murray, in domo generalicia, in qua tunc species telephoni interni, aliquantum simplicis, exsistebat, si defectus occurrebat, ipsum libenter et cum delectu operam reparationis perfecisse, subligaculo cinctum, et scalam ascendentem et descendentem. In itineribus visitationum, in domibus studiorum, ubi exstabant « cubicula rerum physicalium », curiosius apparatus atque formas et modos faciendorum experimentorum inspiciebat.

(8) Bishop Eton; coll. incepit 10 VI 1851, canonice erect. 10 VI 1854; ibi collocatum fuit Noviciatus, Studentatus, deinde Juvenatus; nunc est domus recessuum. Cfr *Spic. hist.* 3 (1955) 382, n° 4.

## 2. - USQUE AD PROVINCIALATUM.

1888-1897: *Subditus*

Iuvenis theologus Patricius Murray die 13 XI an. 1888 vestem religiosam accepit, et regularem noviciatus annum sub cura P. is Magistri Ioann. Stevens (9) peregit; sed, iuxta morem eorum temporum, cum egregie in omnibus se gesserit, iam die 23 X anni sequentis ad religiosam professionem admissus est.

Ad studia theologica perficienda, in domum tunc studiorum Teignmouth (10) missus est, Praefecto studentium P. e Timotheo Power (11). Tandem, tribus subsequenter diebus, 8, 9, 10 IX an. 1890, ab episcopo civitatis Plymouth, Doct. Guglielmo Vaughan (12), sacros Ordines recepit. Deinde ultimum annum studiorum theologicorum absolvit, et denique, autumno an. 1891, promptus ad munera apostolica obeunda, e studentatu demissus est.

Die 1 IX eiusdem an. 1891 primam stationem vitae missionariae ingressus: London, Clapham (13), mox ad primum officium deputatus est; nominatus est Sub-Minister domus. Die 12 IX 1891, sabbato infra octavam Nativitatis B. Mariae V., in ecclesia nostra in Clapham primum suum sermonem habuit, ita ut dici possit, P. em Patricium Murray publicum servitium Redemptorianum incepisse sub auspiciis Divinae Matris, cui adeo devotus erat.

At non ita multo post instabilitatem loci expertus est, cui praesertim iuniores Patres ordinarie subsunt: vix mense peracto, domui nostrae in Perth (Scotia) (14) adscriptus est, et subito primam Missionem adoriri iussus est (Paisley, Renfrewshire, 25 X-8 XI 1891). Sequente anno primum cursum exercitiorum dabat, ad pueros (Aberdeen, 25-29 III 1892). Toto tempore stationis in Perth tredecim Missionibus aderat et novem cursus exercitiorum dedit.

(9) Ioannes STEVENS; \* 14 IV 1829, *prof.* 8 XII 1851, *sac.* 4 VIII, 1856, † 19 IX 1899 Chapeltown.

(10) Teignmouth, dioec. Plymouth, comitatus Devonshire; incep. 3 XI 1875 ut domus studiorum, derelict. 13 X 1900. Dedicata erat S. o Ioseph.

(11) Timotheus POWER; \* 31 VIII 1841 Ballybricken; *prof.* 13 XI 1863, Liverpool; *sac.* 8 X 1869 Wittem, ubi tunc Frs. Clerici anglici studiis vacarunt; † 13 XI 1933; exacto 70° anno suae professionis. - Cfr *Anal.* 3 (1924) 58-60; *ibid.* 8 (1929) 369; *ibid.* 19 (1934) 30-32.

(12) Plymouth (dioec. ab. an. 1850, 29 IX); episcopus Gulielmus Vaughan, \* 14 II 1814 London; ep. 10 VII 1855; † 25 X 1902.

(13) London, Clapham, in parte meridionali civitatis, dioec. Southwark; incep. 2 VIII 1848, canonicè erect. 20 II 1850; inde ab institutione Prov. anglicae, 24 V 1865, residentia Superioris provincialis. - Cfr *Spic. hist.* 3 (1955) 381, n° 2.

(14) Perth, Scotia, comitatus Perthshire, dioec. Dunkeld; incep. 19 III 1869; per multos annos domus studiorum, nunc est sedes Noviciatus.

An. vero 1894, 20 V, ordinem recepit, in patriam insulam redeundi, in domum nostram Limerick (15). Atvero anno vix expleto, primis mensibus an. 1895, domui Dundalk (16), archidioec. Armagh, adscriptus est, ibidem, 1 IX, annum sic dicti secundi noviciatus incepit. Magister seu Instructor fuit P. Eduardus O'Laverly (17); sodalis quidam noviciatus P. Robertus Clune, postea Archiepiscopus in urbe Perth, Australia († 24 V 1935) (18). Exercitiis practicis secundi noviciatus absolutis, primum in domum Liverpool (19) vocatus est (4 II 1896), at mox (6 IV 1896) iterum in urbem Perth translatus est, e qua 1897 denuo ad collegium in Limerick pervenit. Inter multa et varia opera apostolica an. 1897, 16-26 VII, primum Sororibus exercitia sacra praedicavit, ut fertur, cum optimo successu.

1898-1907: *Superior «minor»*

Sub die 28 I 1898 erecta est Provincia hibernica; domus enim hibernicae prius ad Provinciam anglicam pertinebant. P. Patricius Murray, vix octo annos sacerdos, sed in variis apostolicorum operum generibus optime probatus, in propria Provincia gradus Superiorum ascendere dignus habitus est. Clerici nostri hibernici tunc, uti facile intellegitur, studia in domo Teignmouth, in Anglia, continuaverunt. Murray noster Praefectus studentium et Professor theologiae dogmaticae nominatus est. Traditum est, eum aequae progressui spirituali studentium atque honestae recreationi providisse.

Nova Provincia hibernica — et hoc quoque facile intellegitur, — propriam studiorum domum sibi comparare satagit; itaque aestate an. 1900 proprium collegium studiorum in domo Belfast (20)

(15) Limerick, Hibernia, prov. Munster, comitatus et dioec. Limerick. Collegium incepit 13 XI 1853; inde ab institutione Prov. hibernicae, 28 I 1898, residentia Superioris provincialis. - Cfr. *Sph. hist.* 3 (1955) 382, n° 6; *ibid.* 8 (1960) 459 ss.

(16) Dundalk, Hibernia, prov. Leinster, comitatus Louth. Collegium incepit 8 IX 1876.

(17) Eduardus O'LAVERLY; \* 4 VI 1845, *sac.* 6 I 1860, *prof.* 15 VIII 1873, † 23 III 1917. Limerick.

(18) Patricius Iosephus CLUNE; \* 6 I 1864; *sac.* 24 VI 1886; *prof.* 3 IX 1894; Australiam petiit, ubi in Collegio Perth (insep. 8 X 1899) commoratus est, antequam, 21 XII 1910, episcopus nominatus est eiusdem dioec., quae 28 VIII 1913 archidioec. facta est; † 24 V 1935. - Cfr. *Anal.* 14 (1935) 280-284. - Vide etiam DE MEULEMEESTER, *Bibliographie* II 69, III 273.

(19) Liverpool: « Bishop Eton » nomen est domus (sicut olim « Villa Caserta » fuit nomen domus, in quo Collegium generalicium positum est); haec autem domus sita est ad fines urbis, qui tamen nunc iam longe lateque superati sunt. (cfr. nota 8).

(20) Belfast; collegium incepit 1 XI 1896; an. 1900 ibidem domus studiorum novae Prov. hibernicae instituta est; P. Murray, ut Rector Collegii, multa habuit perficienda.

apertum est. P. Murray munus Praefecti retinuit, et Professor theologiae moralis atque Admonitor Rectoris nominatus est; clara indicia aestimationis quam apud Superiores maiores adeptus est. Anno 1902, 1 XI, Romae celebrabatur faustus dies, quo, ante quinquaginta annos, R. mus P. Matthias Raus, Rector Maior, vota religiosa Deo obtulerat; complures e toto orbe Provinciales aliique maiores Superiores cum quibusdam Patribus sociis hac occasione Romam petierunt ad digne rarum festum celebrandum (21). Provincialis hibernicus, P. Andreas Boylan (22), socium sibi adiunxit P. em Murray, qui tunc primum Urbem petiit, ignarus omnino, se post septem annos iterum Romam petiturum esse, ibique remansurum, uti successorem eiusdem P. is Generalis.

Mense IV an. 1904 P. Murray collegio in Belfast Rector praeficitur; magna sibi merita acquisivit, aedificandae ecclesiae et comparando magno collegii horto summopere intentus. In magna Missione quae an. 1906 in civitate Belfast habita est, una cum PP. bus Passionistis strenue in campo apostolico collaboravit.

### 3. - SUPERIOR « MAIOR », SEU PROVINCIALIS, 1907-1909.

Tempore veris an. 1907 in tota Congregatione de more nominationes triennales Superiorum faciendae erant. Itaque, in Consultationibus generalibus per multas sessiones, praecipue de eligendis Superioribus disceptatum est. Provinciales exeuntes eorumque Consultores iuxta usum tum vigentem, Romam mittebant, singuli singillatim, proprias propositiones circa eos, quos dignos aestimabant, triennio novo munera Superiorum gerere. Ordinarie tunc dies, quo novi Superiores publicati sunt, erat dies 26 IV, festum B. Mariae V. de bono Consilio; attamen, pro opportunitate, quarundam Provinciarum Superiores etiam alio quodam antecedente die publicari solebant. Ita an. 1907 etiam Superiores Provinciae hibernicae ante diem solitum nominandi erant.

Post acceptas propositiones P. is Provincialis Boylan suorumque Consultorum, in Consultatione gen. li diei 11 III de nominandis Superioribus hibernicis actum est; Provincialis statutus est noster Patricius Murray, et recedens Provincialis, P. Boylan, Rector in Dundalk. P. Boylan inde ab origine Provinciae, seu ab an. 1898, regimen Provinciae optime gessit; attamen, post tot

(21) [A. WALTER] *Villa Caserta*, Roma 1905, pp. 258-265.

(22) Andreas BOYLAN; \* 6 I 1842 Killaloe; sac. 31 III 1867; prof. 1 VIII 1888; Sup. Provincialis 1898-1907; episcopus Kilmore 13 III 1907; † 25 III 1910 Cullies.

annos visum est, officium gubernatoris Provinciae alio Patri conferre, et quidem — uti patet — eminenti. Haec dum Romae concluduntur, die 11 III, nuntius advenit, die 13 P.em Boylan, Provinciale exeu[n]tem, nominatum esse a S. Sede Episcopum de Kilmore. Itaque opus erat, repentine alium Rectorem Collegii de Dundalk nominare, et sic tabulam Superiorum hibernicorum, paululum immutatam, novo Provinciali Murray transmittere, quod factum est sub die 17 III, qui est dies onomasticus P.is Murray. Interea tamen, et usque in nostros dies, fama quaedam invaluit, P.em Murray Provinciale factum esse, *postquam*, seu *quoniam* P. Boylan Episcopus nominatus fuisset, erronee tamen, ut ex comparatione dierum quos memoravimus, clare evincitur. P. Murray Provincialis nominatus est, quia inter PP. eminentes Provinciae connumerabatur, et huiusmodi altiore officio plane dignus habitus est.

Sic summum gradum Superioratus attigerat, qui ordinarie inter nos Patribus benemerentibus contingi potest. Atvero, altiora adhuc Patricio nostro advenire videbantur.

Defuncto enim Episcopo Henrico Henry, (8 III 1908) (23), dioeceseos Down and Connor, iuxta consuetudinem ecclesiarum hibernicarum, a Capitulo cathedrali tres sacerdotes Sanctae Sedi proponi debebant, ut ex eis futurus Episcopus nominaretur. Hi tres sacerdotes, a Capitulo designati, erant: Patricius Murray, Provincialis CSSR (vota 25), Doct. Laverty, sac. saecularis (vota 25), Doct. Tohill, alius sac. saecularis (vota 4). Trepidabat sincere P. Provincialis (vix enim eius praedecessor, P. Boylan, Episcopus factus est!); atvero, a S. Sede Doct. Tohill denique (9 VI 1908) Episcopus praedictae dioeceseos nominatus est (24).

Patricius tota mente sibi gratulabatur, adhuc nesciens, se vix post annum in summum Rectorem totius Congregationis Redemptorianae electurum esse. Itaque gubernium Provinciae hibernicae strenuis manibus tenebat.

4. - SUPERIOR « MAXIMUS », i.e. SUPERIOR GENERALIS CSSR ELIGITUR, I V 1909.

Rev.mus P. Matthias Raus, diutius infirma salute laborans, cum post ultimum Capitulum generale, in quo electus fuit (an.

(23) Henricus HENRY; \* 22 V 1846, episcopus dioec. Down and Connor, resid. Belfast (Chichester Park), 6 VIII 1895; † 8 III 1908.

(24) Ioannes TOHILL; \* 23 XII 1855; episcopus dioec. Down and Connor, 9 VI 1908; † 9 VII 1914.



1894), nullum aliud celebrari potuisset, denique ad novum Capitulum generale perveniendum esse censuit, in quo, praeter negotia tali generali Congregationis consessu propria, suam a munere demissionem recitare deliberaverat. Proinde, litteris circularibus diei 21 VI 1908 (festo BMV de perp. Succursu) Capitulum generale pro anno 1909, 25 II, indixit (25). Cum vero his iisdem temporibus Causa Canonizationis B. Clementis M. Hofbauer ad ultimas felices decisiones appropinquasset, melius visum est, Capitulum generale paulum prorogare, ut PP. Capitulares speratae Canonizationi interesse possent.

Ita, die 21 XII 1908, vi alius litterae circularis, convocatio Capituli gen.lis procrastinata fuit (26) atque denique, tertia epistula circulari, 27 I 1909, definitive in diem 26 IV eiusdem anni collocata (27).

Interea, die 8 VIII 1908, RM Raus solemniter celebrare potuit medium saeculum ab ordinatione sacerdotali, eodem anno quo Pius X quoque idem iubilaeum toto Orbe gaudente celebravit, uti idem Summus Pontifex in telegrammate Rectori Maiori transmissio, notavit (28).

Versus finem mensis IV PP. Capitulares ex omnibus mundi partibus Romam confluerunt; Provinciales Provinciarum anglicae et hibernicae (P. Murray) cum suis PP.bus «Vocalibus» feria VI, 23 IV 1909, hora 19,50 Urbem ingressi sunt (29).

Die denique festo BMV Matris boni Consilii Capitulum gen.le initium habuit. Mane eiusdem diei tamen omnes ad Vaticanum convolarunt, ubi, iuxta morem, solemniter Decretum «super tuto» pro Canonizatione B.i Clementis perlectum est; Superior gen.lis P. Raus latine gratias Summo Pontifici egit pro hac ultima decisione, cui demum S. Pius respondit. Postmeridiano tempore (hora 16,30) Capitulum prima sessione adunatum, ante omnia sermonem auscultavit R.mi P.is Raus, qui primum de natura et opera Capitulorum generalium secundum nostras Constitutiones verba fecit, et deinde liberam et completam sui muneris abdicationem obtulit (30).

Sequente die, 27 IV, in secunda sessione, Capitulum, dum P.

(25) *Acta integra Capituli generalis XI Romae celebrati anno 1909*, Roma 1909, pp. IX-XI.

(26) *Ibid.* p. XIV.

(27) *Ibid.* p. XV.

(28) *Cronaca della casa generalizia II*, 1907-1909, p. 253.

(29) *Cronaca*, ut supra, p. 253.

(30) *Cronaca*, ut supra, p. 254-255; *Acta integra*, ut supra, p. 167; Cfr. *Spic. hist.* 2 (1954) 70-74.

Raus in oratorio ferventibus institit precibus (31), abdicationem ratam habuit, eidemque titulum «Rectoris Maioris *emeriti*» cum certis iuribus et honoribus adtribuit (32). Secuta est species «re-collectionis» P.um Capitularium trium dierum, sicut in Constitutionibus praescribitur, ad deliberandum de novo Superiore gen.li eligendo (33). Sic denique, die I V 1909, sabbato, ad electionem supremi Moderatoris perventum est. Fuit sessio laboriosa, mane et pomeridiano tempore, donec, 26° scrutinio, P. Patricius Murray, 38 suffragiis ex 55 datis, Superior gen.lis et Rector Maior est declaratus (34).

Hoc unum tantum recordari volumus: die festo Ascensionis Domini, 20 V 1909, PP. Capitulares omnes, ducibus PP.bus Raus et Murray, solemnissimae cerimoniae Canonizationis nostri S. Clementis M. Hofbauer adsisterunt, de quibus hoc loco nobis non est colloquendum (35).

Feria denique V, die 3 VI, laboribus capitularibus ad finem perductis, perventum est ad electionem PP.um Consultorum generalium (36), et die sequente, feria VI infra octavam Pontecostes, sessione 30<sup>ma</sup> et ultima, Capitulum generale XI<sup>mum</sup> finem habuit. (37). Sabbato tandem, antemeridianis horis, S. Pontifex Pius X PP. Capitulares, una cum PP.bus Raus et Murray, in suam augustam praesentiam admisit. Novus Rector Maior brevem sermonem protulit, cui S. Pontifex benignissime respondit, a novo Sancto Congregationis exordians, et de genuino spiritu S.i Fundatoris, inter nostros conservato et conservando, instanter locutus est (38).

(31) *Cronaca*, ut supra, p. 257-258.

(32) *Acta integra*, ut supra, pp. 7-9.

(33) *Constitutiones et Regulae CSSR* n° 763.

(34) *Acta integra*, ut supra, pp. 9-13; *Cronaca*, ut supra: vide infra, *Appendix Documentorum*, VI.

(35) *Acta integra*, ut supra, p. 26; *Cronaca*, ut supra, p. 260 ss.

(36) *Spic. hist.* 2 (1954) 64-67; vide etiam *Spic. hist.* 2 (1954) 236-279, sub nominibus singulorum Consultorum.

(37) *Acta integra*, ut supra, pp. 41-43.

(38) *Acta integra*, ut supra, p. 43.

## APPENDIX DOCUMENTORUM

Adiungimus aliqua documenta, ex archivo gen.li extracta, quibus ad oculos demonstratur praeclara aestimatio qua constanter gravisus est Patricius Murray, inde ab anno noviciatus usque ad nominationem ad munus Provincialis.

Sequuntur notitiae quae ad nominationem praedictam referuntur, atque epistula P.is Murray, quando, iam Sup. Provincialis, serio timere debuerat de proxima possibili elevatione ad sedem episcopalem.

Claudimus Appendicem notitiis circa electionem P.is Murray in Rectorem Maiorem.

I. Relationes ad Curiam generaliciam  
circa Fratrem novicium Patricium Murray,  
pro admissione ad Professionem religiosam

- i. - Relatio pro professione Fratris Patritii Murray a P.e Ioanne Stevens, noviciorum Magistro congesta et Romam missa (AG Prov. Anglica VIII Noviciatus 1889) :

1. - *Santé.* - Le Frère a une très bonne santé. Il a pu très bien observer la règle. Il est assez maigre; avec le temps je crois qu'il deviendra fort.

2. - *Dispositions.* - Le jeune homme nous est venu du collège de Maynooth, où il a étudié plusieurs années. Il a étudié la théologie pendant deux années. Il a eu beaucoup de difficulté avec sa famille pour pouvoir suivre sa vocation. Son père surtout c'est fortement opposé. Il s'est conduit d'une manière toute extraordinaire. Le Frère Murray, quoiqu'il était déjà reçu par le Rev. P. Provincial, pensa d'abord qu'il serait mieux de céder aux désirs de ses parents, et qu'il serait préférable pour lui de ne pas entrer au noviciat, qu'après avoir reçu la prêtrise. Son curé était aussi de cet avis. Mais ayant examiné la chose plus mûrement dans une retraite spirituelle, il voyait que s'il déférerait sa vocation à plus tard, il risquerait de la perdre. Ainsi il est venu au noviciat du collège de Maynooth sans obtenir le consentement de ses parents.

Au noviciat il a toujours été un novice modèle. Il serait difficile de trouver un novice qui a plus fidèlement et plus constamment coopéré aux grâces et aux inspirations de Dieu. Je trouve qu'il a toutes les vertus d'un bon novice Rédemptoriste. Il est très pieux, obéissant, mortifié, charitable, etc. Le plus ardent désir de son âme c'est de se conformer en toutes choses dans la manière la plus parfaite à la sainte volonté de Dieu et d'éviter la plus petite faute délibérée. Il a le caractère très doux, très aimable. Il est très aimé de ses connovices.

La seule faute que j'ai remarquée en lui c'est qu'il est trop tranquille, trop silencieux en récréation. Cela ne provient pas cependant le moins du monde de la tristesse, car il se conserve toujours dans la plus grande paix de l'âme. Mais il est naturellement timide, réservé de disposition; mais ce n'est rien d'important. Il fait son possible pour se vaincre; avec le temps sans doute il n'en restera rien.

Le Frère a beaucoup d'intelligence, un très bon jugement, aussi il a fait de bonnes études à Maynooth et a très bien réussi. C'est un homme capable de rendre de grands services à la Congrégation, soit comme missionnaire ou en quelque autre capacité. Il se peut, qu'il ne sera pas grand prédicateur; j'en doute un peu.

3. - *Conduite au noviciat.* - Sa conduite au noviciat a été excellente. Je n'ai presque pas trouvé de faute en lui. Il a toujours été un novice modèle.

4. - *Espoir pour l'avenir.* - J'ai la plus grande confiance en lui. Je crois qu'il sera toujours un très bon religieux.

5. - *Suffrage.* - C'est pourquoi je donne bien volontiers mon suffrage pour sa profession.

Le Frère Murray n'a reçu l'habit que le 13 Novembre, jour de St. Stanislas. Il désiré beaucoup faire ses vœux le 23 Octobre en même temps que les cinq novices avec lesquels il a passée l'année de son noviciat. J'ose donc bien prier le Très Rev. Père Uurich de vouloir bien nous accorder cette faveur. La grande ferveur du Frère et sa fidélité aux grâces du noviciat suppléront, j'espère, à ce qui manque pour compléter l'année. Il ne manque qu'une vingtaine de jours. Aussi pour n'être pas en retard avec les autres étudiants de sa classe, il est à désirer qu'il se rende au plus tôt possible à Teignmouth.

Joannes Stevens CSSR  
Magister Novitiorum

Bishop Eton  
die 18 Septembris 1889

2. - Die 20 IX 1889 Pl. RP. H. Macdonald, Superior Provinciae Anglicae, hanc relationem Romam misit ad Vicesgerentem P. em Mich. Ulrich. In epistula eiusdem diei de Fratre Murray sequentia addidit (AG Pr. Angl. III 1889):

Le Frère Patrice Murray a reçu l'habit le 13 Nov. 1888. Le P. Maître prie V. Rev. d'accorder la permission à ce bon Novice de faire son oblation 20 jours avant que l'an complet de son noviciat sera fini. Peut-être il pourrait faire sa retraite avec les autres, et ensuite attendre le 13 Nov. pour son oblation; ou bien, faire son oblation le 23 Oct. et après attendre le 13 Nov. à Bishop Eton avec les novices. Je ne fais aucune demande à ce sujet, si non de prier V. Rev. de décider la chose pour le mieux. C'est plus facile sans

doute pour le P. Maître et pour le Frère Murray qu'il fasse la retraite avec les autres. C'est un sujet de grand mérite et de belle promesse.

3. - In responso ad P. em Provinciale Macdonald diei 27 IX 1889, Vicesgerens P. Ulrich gratiam petitam concessit his verbis (ibidem) :

Je dispense ce dernier [*Patr. Murray*] à cause de son excellente conduite et de ses qualités plus qu'ordinaires, des 20 jours qui manquent à l'année complète de son noviciat, à condition toutefois qu'il continue jusqu'au 13 novembre à faire à peu près les exercices du noviciat.

## II. Relatio ad Curiam generalicam circa Fratrem studentem Patricium Murray

Ex relatione quam Sup. Prov. Macdonald de Fratribus studentibus in Teignmouth an. 1889/90 Romam misit (AG Pr. Angl. VIII Studentatus 1889/90; relatio an. 1890/91 non adest) :

32. R. F. Patritius Murray. Age 25.

1. *Santé* - très bonne.
2. *Studia* - I an de la Théologie Moral.  
*Talents* - très bons et solides; application excellente.
3. *Spiritus* - Excellent Religieux. C'est un homme très pieux et spirituel. Je n'ai jamais rencontré de tels signes de dévotion tendre à la S. Vierge que dans ce bon jeune homme, même avant son entrée dans la Congrégation.
4. *Persévérance* - certaine. Il sera bon à tout office, et très bon probablement à celui de Supérieur.

## III. Excerpta ex « Relationibus visitationum canonicarum » de P. e Patricio Murray, an. 1888-1906.

1. - An. 1888. - Visitator Sup. Prov. anglicae, P. H. Macdonald.  
*Collegium Bishop Eton*: « Novices choristes... Frater Murray, excellent à tout égard. » - (AG Pr. Angl. V 2, 1888, p. 11).

2. - An. 1889. - Visitator, idem ut supra.

*Collegium Teignmouth*: « Étudiants... RF Patritius Murray. - *Santé*. forte. - *Talents*: bons. - *Application et jugement*: excellent - *Esprit*: tout à fait

excellent. Il est de grande promesse pour les œuvres intérieures de la Congrégation ». - (Ibid. 1889, p. 46-47).

3. - An. 1890-1893: relationes visitationum de his annis desunt.

4. - An. 1894. - Visitator extraordinarius Cons. gen.lis I. Magnier. *Collegium Limerick*: « RP Patritius Murray. Cum licentia Provincialis Rector eum in laboribus apostolicis in Scotia exercebat; deinde Limericensem translatus fuit. Signa dat spiritus excellentis, zeli, prudentiae, iudicii practici, et in genere signa eorum quae in Congregatione virum vere utilem facient. » - (Ibid. 3, 1894).

5. - An. 1895. - Visitator Sup. prov. anglicae, P. E. Vaughan. *Collegium Dundalk*: « Le second Noviciat... RP Patrice Murray. - *Santé*: bonne. - Très fervent; d'un *esprit* religieux exceptionnellement bon; il ne lui manque que l'âge pour rendre de grands services: il est sérieux pour son âge et de jugement solide. Ses *talents* ne sont pas brillants, mais il fait bien tout, et devient bon Missionnaire. » - (Ibid. 4, 1895).

6. - An. 1896. - Visitator, idem ut supra. *Collegium Perth*: « RP Patrice Murray. - *Santé* un peu faible, mais suffisant. [*Esprit*] excellent sous tous les rapports sans exception. [*Talents*] capable plus tard de toutes les charges. » - (Ibid. 1896).

7. - An. 1897. - Visitator Cons. gen.lis P. I. Schwarz, qui in Angliam missus est intuitu separationis regionis hibernicae a Prov. anglica, quae deinde 28 I 1898, perfecta est. - Desunt descriptiones singulorum Patrum.

Abhinc agitur de Relationibus Prov. hibernicae. - Selecta tantum testimonia damus.

8. - An. 1900. - Visitator Sup. Prov. hibernicae, P. A. Boylan. *Collegium Belfast*: « RP Patritius Murray, valetudo robusta, humilis, exemplaris, sua vocatione valde contentus, laboriosus in agendo et studendo. Praefectus studentium, annos habet 35. » - (AG Prov.Hib. II 4, 1900). - NB. Est primus annus, quo P. Murray in propria Provincia commoratus est.

9. - An. 1902. - Visitator, idem. ut supra. *Collegium Belfast*: « R.P. Patritius Murray, Praef. studentium, Lector in Theologia morali, Admonitor Rectoris. De eo idem est dicendum ac de P.e Kilbride; annos habet 37. - R. P. Patritius Kilbride, Lector in S. Jure canonico: verus et genuinus Redemptorista, in quo dolus non est. » - (Ibid. an. 1902).

10. - An. 1903 - Visitator, idem ut supra. *Collegium Belfast*: Provincialis eandem laudem repetit de P.e Murray sicut de P.e Kilbride: « Verus et genuinus Sancti Alphonsi filius. » - (Ibid. an. 1903).

NB. - An. 1904 Rector Maior ipse visitationem extraordinariam in Prov. hib. instituit, de qua adest relatio, seu potius chronica visitationis, cum imaginibus domorum; at absque iudiciis singulorum Patrum.

II. - An. 1906. - Visitator Cons. provincialis P. O'Laverty, propter absentiam Sup. Provincialis in insulis Philippinis.

*Collegium Belfast.* « Initium visitationis feci 11 Junii. Hocce in loco omnia fausta. Tota communitas in observantia strictissima vivit. Res se melius habere animo pingere difficile. Hoc laudabilius, cursum tenere propter dissidia inter Episcopum et sacerdotes perdifficile. Deo gratias et Mariae; tum Episcopus tum sacerdotes hucusque nostros magni faciunt.

*Status personalis :*

Adm. R.P. Murray, Rector. Omni sub respectu admirabilis; non optime valere dolendum. » ... - (Ibid. 1906).

An. 1907 iam Patricius noster ipse, uti Sup. provincialis, visitationem peregit.

#### IV. Documenta ad nominationem P. is Murray uti Superioris Provincialis pertinentia

Ex archivo gen.li pauca quaedam de nominatione P. is Murray, tunc Rectoris in Collegio de Belfast, transscribere liceat.

Secundum usum tunc vigentem Superior Provincialis abscedens et duo Consultores provinciales propositiones circa nominandos novos Superiores Romam mittebant, de quibus in Consultationibus generalibus disceptatum est, priusquam ad nominationes ipsas perventum fuerit. (AG Pr. Hib. I 2, 1907).

Cons. gen. lis P. Ioannes Magnier, propositiones Provincialis et Consultorum provincialium uno textu reassumit :

1<sup>o</sup> RR. Patres qui prima vice a Patre Provinciali et suis Consultoribus praesentantur pro munere Rectoris localis...

2<sup>o</sup> De Provinciali.

Rev. P. Boylan praesentat Rev. P. Patr. Murray et P. Patr. Griffith.

Rev. P. Power praesentat Rev. P. Patr. Murray et P. A. Boylan.

Rev. P. O'Laverty praesentat Rev. P. A. Boylan, P. Murray et P. Griffith.

Omnes opinantur quod P. Griffith sit excellens Magister Novitiorum. P. Power eum considerat inaptum ad officium Superioris Provincialis. P. O'Laverty eum assignat ultimum locum.

Omnes vident in Rev. P. Patr. Murray qualitates excellentes, sed P. O'Laverty putat quod ipse sit quasi necessarius pro Collegio in Belfast.

P. Boylan opinatur, quod, etiamsi sit Provincialis, morari debet in Belfast maiore anni parte. Rev. mus Episcopus est vir difficilis, et pro Patre Murray aestimationem summam habet.

Omnibus consideratis mihi videtur quasi necessarium nominare P. Murray Superiorem Provinciale.

[*Sequuntur expositiones circa cetera officia in Provincia obtinenda*].

Hisce positis, iuxta varias relationes receptas, sequentes nominari possunt ad varia Officia:

*Superior Provincialis* Rev. P. Patr. Murray.

*Cons. Adm.* Rev. P. O'Laverty (Edw.).

*Cons. Secr.* Rev. P. Thomas Walsh.

In Collegio Limerick ad S. Alphonsum...

Dundalk ad S. Ioseph. *Rector* Rev. P. A. Boylan. [*postea nomen discussatum, et superscriptum*: Patr. Kilbride]...

V. Epistula P. is Provincialis Murray  
ad Consultorem gen. lem P. I. Magnier  
(AG Prov. Hib. II 3, 1908)

J.M.J.A.T.

Mt. St. Alphonsus  
Limerick  
Easter 1908 [19 IV]

Very Rev. and dear Fr. Magnier,

Dont be scandalised at the type-written letter. An old machine used in the Boer War, and cast aside since then, was given me, and to please the donor, I wanted to try it before refusing it. I now find that with a few trials I can write even quicker than with the pen, and would like to know is there anything against the rule in using it, as several complaints have been made against the legibility of my writing.

There is no further news about Down and Connor. I enclose that letter of Dr. Boylans wich I referred to in my last. I think it clearly shows the Bishops recommended Fr. Tohill. As there is still a possibility of my being on, I should like you to find out, if you can, what privileges Dr. McDonald C.S.S.R. had. If I am put on, I am determined to be as much a C.S.S.R. as Canon Law will allow. Could not the Vow of Poverty be modified so as to make it possible for me to keep it. Could not my private Account be subjected to the Provincial every year at a kind of Can. Visit. At any rate the Congregation would be the real owners of anything that would come to me as my own. I am determined, whether or not that it will all go to the Congregation. I think that should be enough to preserve the essence of the Vow of Poverty. The Vow of Obedience could be arranged by my being a kind of Hospice — I am presuming there would be objections to my living at Clonard — or be a member of Clonard Community and could make my monthly Retreat there, and my ten days in one of the other houses.

If put on, I am also determined to have Our Lady's picture in my arms, with the motto: « Perpetuo nobis succurre », or: « Maria de Perpetuo Succursu ». Perhaps you do not know that Murray in Irish is litterally translated into Latin as: « Marianus », i.e. belonging to or like Mary, and it means



our Lady and no other Mary, because in Irish the name of our Lady is spelled differently from Mary, the Christian name, and in Murray it is spelled same as in our Lady's name. This would be a good ostensible reason for having her in the arms. But the real reason would be what you likely know I owe her, and also she will be my only hope in case I am put on.

I am sending this in order to be prepared for the worst in case it comes. I will read through to-morrow all the letters I got from you lately, and see to various commissions neglected on account of my absence from home. I am perfectly indifferent in will now and only want what is God's Will, but it will naturally be a great consolation to me if I am off:

Your devoted servant and child,

Patrick Murray C.S.S.R.

## VI. Excerpta ex *Cronaca della Casa Generalizia*, Vol. II, ann. 1907-1909

1. - ||261|| 1909 Maggio 1, Sabato. - Alle 7¾ è incominciata in Chiesa la Messa solenne votiva de Spiritu Sancto cum *Gloria et Credo*; Celebrante M. R. P. Bresciani, Diacono M. R. P. Favre, Suddiacono M. R. P. Brors. Hanno assistito tutti i Padri Capitolari, ma senza cotta, parte stando nel presbiterio, parte nelle gallerie superiori, e parte all'organo; questi ultimi, suonando il R. P. Walter l'organo, hanno cantato la Messa degli Angeli.

Alle ore 9.20 circa tutti i Padri Capitolari si sono riuniti nell'Oratorio, e dopo breve orazione a Gesù Sacramentato, intonato dal Rev.mo P. Raus il *Veni Creator*, a due a due, recitando detto inno, si sono avviati nell'aula capitolare, dove, compite le altre preghiere prescritte, hanno proceduto alla elezione del nuovo Generale, che nella mattinata non si è effettuata. Sono usciti dall'aula alle 11¾ e vi sono stati varii scrutinii.

Alle 16 hanno ripreso gli scrutinii fino alle 19.10 senza alcun risultato. Dopo circa 20 minuti di sospensiva sono tornati al lavoro, decisi di raggiungere lo scopo con l'aiuto di Dio.

I voti che nella mattina si sono aggi-||262||rati in maggioranza sopra il M. R. P. Schwarz ed il R. P. Van Rossum, questa sera si versano sul R. P. Van Rossum che giunge ad averne fino a trenta, ed il R. P. Kronenburg che alcune volte ne ha lo stesso numero.

Impossibile di venire alla decisione dei suddetti, si ricorre ad un altro candidato che dopo quattro scrutinii raccoglie ben 38 voti, cioè uno di più del necessario. Sono le ore 21.30; la Comunità che ha aspettato inutilmente tanto tempo, ha pensato andare a cena, ed ecco: quando questa è in sul finire, un prolungato suono della campana comune ci annunzia « *Habemus Pontificem* », eletto dopo 26 scrutinii.

E' desso il M. R. P. Patrizio Murray, Provinciale d'Irlanda; nato il 24 Nov. 1865, professato il 23 Ott. 1889, ordinato sacerdote il 10 Sett. 1890.

Al Rev.mo P. Raus resta il titolo di Rettore Maggiore Emerito.  
 2. - ||263|| 1909 Maggio 2, Domenica. - Alle 9 i RR. Padri Capitolari si radunano onde firmare l'atto della elezione del Rev.mo P. Generale Murray. Quindi alle ore 11.20, dato il segno con la campana comune, ci raduniamo tutti nell'Oratorio; l'altare è preparato con solennità. Indossato i sacri paramenti, assistito dal M. R. P. Bresciani e dal M. R. P. Magnier, esposto dal P. Scolari, che funge da cerimoniere, il SS.mo Sacramento, il Rev.mo P. Murray recita la professione di fede e presta il giuramento, come prescrivono le nostre regole. Dopo ciò si recita il *Te Deum*, ed il neo-eletto Generale impartisce la benedizione col Venerabile. Deposti i sacri indumenti torna all'altare, ove, sedutosi in apposita poltrona, riceve l'obbedienza di tutti i presenti. - Il primo è il Rev.mo P. Raus, il quale umilmente gli si inginocchia avanti, chiedendo la benedizione.

Durante il pranzo, nel quale regna la più schietta allegria, si fanno varii auguri. Incomincia il Rev.mo P. Raus che con voce forte e chiara ringrazia i Padri Capitolari e augura ad essi, al suo successore, a tutta la ||264|| Congregazione tutto il bene possibile ed immaginabile. S'alza di poi il M. R. P. Provinciali Toti e fa auguri così al Generale eletto come al Rev.mo Generale Emerito. Da questo momento tutti i Provinciali, ed anche alcuni altri Capitolari, l'uno dopo l'altro, brindano ai due Generali. Meritano speciale menzione il P. Losito, che augura loro l'età e la santità del nostro S. P. Alfonso; il M. R. P. Allet lo spirito e la protezione di S. Teresa, di cui fu tanto devoto S. Alfonso. Il R. P. Walsh, Irlandese, dice che certamente per la sua Provincia la nomina a Rettore Maggiore del P. Murray è un danno e un sacrificio, ma sopportano ben volentieri l'uno e l'altro per il bene di tutta la Congregazione. In fine fa gli auguri il R. P. Nemeč, dicendo che la sua Provincia, essendo l'ultima (39), non deve fare altro che rispondere « amen » a quanto hanno detto gli altri. - Si intuona « Chantons amis ecc. » Il R.mo P. Murray conchiude ringraziando ed annunciando il programma del suo Generalato, che sarà « Charitas », « Mi farò tutto a tutti ».

Una salva d'applausi coronò i varii auguri.

||265|| Alla sera il Rev.mo P. Generale Murray da in Chiesa la benedizione, mentre tutti i Padri Provinciali circondano l'altare tenendo ciascuno un cero acceso. - Dopo la benedizione parte del popolo viene a baciargli la mano in sacrestia.

---

(39) Agitur de Prov. Pragensi, erecta 26 IV 1901.